

26. marts

Illoqarfinni nunaqarfinnilu amerlasuuni aqquserngit aserfallassimaqisut qanoq pitsanngor-sarneqarsinnaanerit pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Anders Olsen, Siumut)

Illoqarfinni nunaqarfinnilu amerlasuuni aqquserngit aserfallassimaqisut qanoq pitsanngor-sarneqarsinnaanerit pillugu apeqquteqaat aallaavigalugu oqallinnissamik siunnersuut, inatsisartuni ilaasortap Anders Olsen-ip qaqitaa Siumumiit nuannaarutigaarput. Inuiaqatigiinni oqallinneq angusaqarne-rulernissamik kinguneqarsinnaammat, eqqarsaatillu nutaat pinngoralersinnaammat, taamaammat oqallisissiaq una nuannaarutigaarput. Imaassinnaavormi siunissaq eqqarsaatigalugu aaqqiissutis-sanik nutaanik eqqarsaatinik pilersittisoq, aamma maani inersuarmi oqallinneq naammassereer-arluarpalluunnit, nalunngilarput amerlasuutit inuiaqatigiit akornanni oqallinneq, ilaqutariit akornanni neriffiup nalaani oqallinnerit, minnerunngitsumillu partiit akornanni oqallinnerit ingerlaqqittarmata.

Uanu oqallisissiami malugineqarsimavoq ukiuni kingullerni malunnaatilimmik sinerissami illoqarfinni nunaqarfinnilu amerlasuuni aqquserngit annertuumik aserfallassimapput aserfallakkaluttuin-narlutillu, tamanna kialluunniit takusinnaagaa naattorsuutigineqarsinnaavoq.

Oqallinnermi apeqqutit imaasiiallaanaq akiuminaassinnaasut, taamaattoq Siumumiit aaqqissuusseq-qinnerit, tulluussartuarnerit siunnerfiujuartariaqartut isumaqarpugut. Assersuutigalugu nalunngilar-put silaannaap pissusaata allanngoriartornerani sunniutai annertuujusinnaasut, uani eqqaaneqarsin-naavoq nunap qeriuartup aakkiartulernerata kinguneranik aqquserngit nakkaassinnaaneri, aserfallan-nerulersinnaaneri paariuminaannerulersinnaaneranillu kinguneqarsinnaasut.

Taamaammat siunnersuut Siumumiit eqqaarusutarput tassaavoq ilisimatusarnikkut misissueqqis-saarnertit, siunertaallutik ilaatigut pitsaanermik aqquserngioriaatsit silaannaap pissusaata allanngo-rartup eqaaattumik pakkersimaassinnaanera siunnerfigalugu, Sisimiuni artek, tassani issittumi inge-niørinngorniat illinniarfianni, suliat tamaattut siammasinnerusumik ingerlanneqarsinnaaneri aqqu-

tissiuuttariaqartut, issittumilu ilisimatusarfiit allat suliaqartareersut suleqatigalugit ingerlanneqarsinnaakuttoorput.

Taamaattoq maannakkorpiaq nalunngilarput inuiaqatigiinni teqeqqut amerlanerpaat aningaasameerput, tamanna uumap oqallisissiap aamma takutippaa. Aningaasanik tulleriarinermi pingaarnersiunermilu aqquserngit suliarinissaat kingulliunneqakkajuppoq sumiiffinni amerlasuuni.

Kisianni Siumumiit oqaatigissuarput periarfissat ilagisinnaavaat suliffissaaleqineq akiorniarlugu suliaqartittinerit ilaat tassaasinnaasoq nunaqarfanni illoqarfiillu ilaanni aqqusernginik aserfallattaaliineq, ilaatigut siusinnerusukkut mandetiiminik taaneqartartut assigusumik aqqissuussinerit atorlugit. Suliffissaaleqineq taamaatut aaqqiinerit kipitinnaviangikkaa nalunngilarput, taamaattoq maannakkorpiaq sakkut ilagisinnaagaat isumaqarpugut.

Maani silarsuarmi allatuulli aningaasat aamma killiliisut nalunngilarput, taamaammat aqquserngit ataatsimut isigalugit aqqiivigineqarsinnaaneri aamma killeqarput, tamanna nassuerutigisariaqarpoq.

Taamaakkaluartoq pitsanngorsaanerit inuiaqatigiinni pisariaqaqisut ujartortuartariaqarpagut, Siumumiillu una oqallissaarut nuannaarutigaarput, pitsanngorsaaniarnermik ujartuimmat, inuiaqatigiinni pisariaqartitat ilaattut isigisariaqarmat.

Qanoruna ataavartumik pitsanngorsaanerit ingerlanneqarsinaaasut, aqquserngit aserfallassimaqisut arlaatigut aqqiivigineqarnissai ujartortariaqaput, aqqissuussineq pitsaasoq qanoq suleqatigiilluta nassaarisinnaavarput? Apeqquterpassuit qaffakaattarput, oqallinneq ingerlaleraagat, ilai imaasia-llaannaq akiuminaatsut, suleqatigiinnikkut nassaarisassat.

Taamatut Siumumiit oqaaseqarluta qujavugut.

Jens-Erik Kirkegaard, Siumut.